

იუმორისტ. ჟურნალი




აშაქაქი აპირაქი




№ 15

კინკ. ქარ. ამხ.



— ახლავე, დროიანთ უშველე. ვიღრე მამაშენს ჩასვამდენ, იქნებ დასტინცლო რამე, თორემ უშველემ გვიან იქნება.



სამი დღე კახეთში.

შეიძლება ერთს და ორს არ დაუჯეროთ, მაგრამ როცა ყველა თფილისელი ქრონიკიორი ერთსა და იმავე დღეს აცხადებს მისდამო რწმუნებულ გაზეთის ფურცელზე:—კახეთის რკინის გზაზე უკვე წესიერი მიმოსვლა დაიწყოა; რაც უნდა კარგათ იცოდეთ მათი ბუნება, შეუძლებელი არ აგიყოლიოს საერთო ღალადმა და... ცნობა არ დაიჯერო.

ასე დამემართა მეც, თქვენს უმორჩილეს მონას. ვის უნდა სცოდნოდა ჩემზე უკეთ ქრონიკიორთა ვერაგობა, მათი გასაოცარი თანხზობა ყოველდღიურ ქორების თხზვაში, მაგრამ ვაი ჩემს გულუბრყვილობას და პრესისადმი ბრმა რწმენას.

დაუფერე და წავედი!

ჩემს ასე უცებ გამგზავრებას ხელი კიდევ ერთმა მოულოდნელმა გარემოებამ შეუწყო. წინა დამით ვიღაც ქველმოქმედებმა ჩემი ოთახი გაქჟურდეს და ბინის დატოვება ახლა აღარავითარ საფრთხეს არ წარმოადგენდა! ამას დაუმატეთ ისიც, რომ პოლიციამ ქურდობის შესახებ ოქმიც შეადგინა.

პირველი მარცხი ბილეთის აღების დროსვე შემემთხვა. მართალია სკოლაში ჩემთვის არ უსწავლებიათ, მაგრამ მაინც ჩინებულათ ვიცი, რომ თელავი დუშეთის მაზრაში მდებარეობს იორის მარცხენა ნაპირზე. დუშეთის მაზრა კი სიღნაღის მოსაზღვრეა და მაშასადამე თელავამდე დიდი დიდი ასი ვერსი გზა თუ იქნება.

— ბილეთი ოთხი მანეთი და ხუთი უზალთუნი ღირს. გადმოძახა კასირმა, როცა დაზგაზე ერთი ფურცელი მანეთიანი დავე.

— როგორ? თელავი სიღნაღის მაზრაშია და სიღნაღამდე ხომ ასი ვერსია?

— ნუ გვაცდენთ, ბატონო!

— მე არავისი შეცდენა არ მინდა, მაგრამ ეს როგორ არის, რომ თელავი...

— ხომ მოგეხსენებათ, ბატონო, ახალი ხილის ამბავი. ესეც ახალი გზა და ძვირათ იყიდება. მამაშვილურის დარიგებთ მითხზა ჩემს უკან მდგომა მოხუცმა და ენა მუცელში ჩამივარდა. მართლაც აპრილის დაშლვის ერთი კიტრი ოთხ უზალთუნ ნახევრათ ვიყიდე, ახლა კი თითონ თელავში სანაქებო კურდღელაურის კიტრს ორს შაურათ მოგცემენ. ფული დაეთვალე და ბილეთით ხელში მატარებლისკენ გაემართე.

მწუხარებასთან ერთად გულში კიდევაც ვიცინოდი. კასირის არც კი შეუშინვია, რომ მე სულ ქალაღის ფულები მივეცი და თუ ჩვენი ქალაღის ფულის ნამდვილ ფასს მივიღებთ მხედველობაში ბილეთი არც ისე ძვირათ დამიჯდა.

რაც მესამე ზარი ჩამოჰკრეს კარგა ხანი გავიდა. მოუთმენლათ ველოდები ფარდის ახლას ხალხი ფუსფუსებს. ზოგი იკით გარბის, ზოგი აქეთ გამობრბის. მე ვეღარ მოვიტომინე. რაც ძალი და ღონე მქონდა ფეხების ბრახუნი და ტრავის ცემა ავსტებე. საერთო ყურადღება მივიპყარა, როცა საზარელი ხმით გავაბი ყვირილი.

— ვურემია! ვურემია! ვურემია! შეთქი. ჩემთან რკინის გზის ჟანდარნი მოიქრა. უცებ გამოვერკვიე.

სირცხვილისაგან ისე გავწითლდი, რომ ცალი ყური კონაღამ სრულიად მომეწვა. ჩემი სიწითლე იმან უფრო გააორკეცა, რომ ვერ გავამხილე ნამდვილი მიზეზი ჩემი აღშფოთებისა.

მე კი კახეთის მატარებელი ქართულ თეატრში ავრიე. შეცდომაში უფრო მესამე ზარმა შემეცვანა. აბა რა ვიცოდი, თუ აქ შეოთხე ზარი იყო საქირო.

სრულიად მე მაშინ გამოვერკვიე, როცა უზარმაზარი ქრელი გველი ტრიალსა და უდაბურ მინდორზე მიგვა... (ყოველ შემთხვევაში არა ...ქროლებდა!).

იმ დღეგანსიდან, რომელმაც ჩვენ გვერდით ჩამოუქროლა მეტარებელს ნაცნობი ქალის სახე დავისახე. რაღაცა კიდევაც დამიძახა, მაგრამ იმ უსინდისო მეეტლემ ცხენებს გადაჰკრა და ეტლიც თვალითაგან მიეფარა.

მე ბევრი ვებეწე კონდუქტორს ეთხოვა მემანქნისათვის ცოტა ცეცხლის შენთება, რომ სათვალეზე მაინც მივდგომოდით ჩვენს წინ მიმავალ ეტლს, მაგრამ ყოველი თხოვნა ამაო გამოდგა.

— აბა რას იტყვიან, ბატონო, ჩვენ რომ დღეგანს ავედევნოთ და გავუსწოროთ!

წარმოიდგინეთ, ახლაც არ ვიცი რას იტყვიან აქ საგნის შესახებ, მაგრამ მაშინ გული დამწყვიტა ამ განცხადებამ და მთელი სამი საათის განმავლობაში, ვიდრე ჩვენ პირველ სადგურს მივალწევდით სულ იმ ნაცნობი სახის ვინაობას ვიგონებდი და ვიტანჯებოდი...

ორი ქალი!

ლორჯე „რუბაშკიანი“ საღ. საკარგელოში ჩამოჯდა. სიტყვა-პასუხსა და მოქმედებებში დიდი სითამამე და გაბედულობა ეტყობოდა. გეოგრაფიის მკვლევარი იმ ადგილების მიხედვით, რომლებსაც იგი ხშირათ ახსენებდა, უთუოდ გურულ ქალად ჩასთვლიდა მას.

სადგურ ბაღიაურში, სადაც რუსის გლეხები და უფრო კი ქალები სასაღალათო ბავშვებს აცილებდნენ, ჩვენს ვაგონში მგორე, შავ „რუბაშკიანი“ ქალი შემოვიდა. ლაპარაკის კილოსა და სახის იერზე მას უთუოდ კახურობას შესწამებდით.

ლორჯე „რუბაშკიანი“ შემოსვლისათანავე დააქერდა მას. ეტყობოდა, რომ მეხსიერების შორეულ კუთხეებში რაღაც დიდი მუშაობა და ჩხრეკა სწარმოებდა.

შავ-„რუბაშკიანმა“ 'მენიშნა ესა და თითონაც რამოდენიმეჯერ აათვალიერა—ჩაათვალიერა მეზობელი.

— მე თქვენ ძლიერ მეცნობით! გაბედულათ შეეკითხა ლორჯე „რუბაშკიანი“.

— მეც სადაც მინახვისხართ არა ნაკლებ გაბედულათ უპასუხა შავ „რუბაშკიანმა.

— სადაური ბრძანდებით?

— ყვარული, გახლავარ. თქვენ?

— მე გურული. ოპ ჩემი გურია, ჩემი გურია!

— თუ ეგრე მოგწონთ, აქეთ რაღას მობრძანდებით?

— რას იზამ დამა, ქმარს რომ ვაპყვები მერე... მაგრამ ასე ძლიერ რატო მემცნაურება შენი სახე?

— მეც ვიგონებ, ვიგონებ და ვერ მომიგონია... ოპ ღმერთო! თუ არა ვცდები, თქვენ მგონი ერთხელ შეგხვდით ამ შეიდი წლის წინეთ ორჯონიძის ქარწილში..

— უი, მართლა! რა მშვენიერი ქორწილი იყო, ბეჩა, შეხედე, სულ არ გამოცვლილხარ ამ შეიდ წელიწადში.

— შენც სულ იგივე დარჩენილხარ.

— რას ჩივი ქალო, ვერ ხედავ როგორ გავშავდი? ასეთი ვიყავი მაშინ...

მე დარწმუნებული ვიყავი, რომ ამ ნაცნობობის შემდეგ ისინი რაიმე ნათესაურ კავშირსაც გამოსძებნიდნენ ერთმანეთში, მაგრამ იმედი გამიცრუვდა, რასაც ცოტად თუ ბევრად ერთმა მოულოდნელმა გარემოებამაც შეუწყო ხელი.

სულ სამიოდ ვერსი გამოვცილოდით საღ. მელანს. მატარებელს ფეხებში ჯერ კიდევ ნიჩბებით მიწას უყრიდნენ, რომ უკან არ დაგორებულოყო. ორთქმავალი ისე მძიმე და გულიანათ ქშინავდა, გვეგონებოდა ვინმე ქართველი მოღვაწეა, საზოგადო საქმეზე მომუშავეო. დიდის ვაქივრებით აიდვა ფეხი მატარებელმა და ჩვენც სიხარულით ცას ვეწიეთ, მაგრამ ამ დროს ვილაც ქირვეულმა ბავშვმა გზის პირად შაშვის ბარტყი დაინახა. გააბა ტირილი.

— დედილო ბალტი მინა, ბალტი მინა, ბალტი მინა!..

შეწრიალდა ხალხი. დედაც ძლიერ შესწუხდა. ვინ არ იცის, ჩვენი დედები ბავშვის აღზრდაში ახალ მიმართულებას ადგანან და მოზარდ თაობას ყოველივე სურვილს უსრულებენ. რაღა თქმა უნდა მატარებელი გააჩერეს. მხოლოდ ნახევარი საათი ვირობინეთ ბუჩქებში; ყველას უნდოდა თითონ დაეჭირა ბარტყი, მაგრამ ნადირობამ ამაოდ ჩაიარა. მშვენიერი ჰავა გულს გვეგრილებდა და წამოსვლას არავინ ფიქრობდა, რომ ერთ თვლისელ ვაჭარს საათი არ ამოელო. ის ახტალის ტალახებში საბანაოთ მიდიოდა და აბა რა ებარტყებოდა. რაკი ქირვეულ ბავშვთან აღარაფერი გაგვივიდა, იძულებული ვავხდი თელავში ასვლისა ირმის ბარტყი დავპირდებოდი, რაზედაც ის სიამოვნებით დამეთანხმა.

ჩვენი მატარებელი კვლავ დაიძრა.

ეშმაკი.

ბ რ ძ ო ლ ა *

ღმერთს გეფიცებით, თბილისს რომ საქმე არ შექონდეს საშური, აქ დავრჩებოდი ამ ხამთარს, იმდენათ მომწონს ხაშური.

ჯერ მარტო იგი რაღა ჰლირს, რომ შევადამეზე წუხელი თავზე დამესხა უეცრივ ბალღინჯო ასა უღველი.

ამ მტრის ქვეითა ლაშქარსა წინ მოუძლოდა ფრთხილად რწყილთა მხედრობა გულადი, ასე, ოცდაათ წყვილად.

*) ეს ლექსი წაიკითხია ავტორმა ხაშურში გამართულ საღამოზე.


ჯერ დაწვრილებით დამზვერეს,
შემდეგ მეკვეთნენ მამაკათ,
ქვეითი უკან მოსდევდნენ
ნელ-ნელა, კამატ-კამაკათ.
ომი გაჩაღდა სასტიკი,
ცენტრშიაც, ორთავ ფრთაზედა,
დახოცილ მტრისა გვაშების
გადავლოდი მთაზედა.

მაგრამ რამდენსაც მოვკლავდი
(სწორეთ რომ გასაკვირია!),
ორი იმდენი მაშველით
ივსოდა ბრძოლის პირია!
სამი საათი ვიბრძოლე
ოფლის დამასკდა ღვარი,
მაგრამ არ იქნა, არ შედრკა
ბალღინჯოების ჯარია.

ვიკადრე უკან დახვევა
ბოლოს, საშველათ თავისა,

და სამარცხენო პირობა
შევიმუშავე ზავისა.
ბალღინჯოების მთავარ შტაბს
სიტყვა მივეცი სწორია,
გათენებამდე დავუთმო
მთლად ზურგის ტერიტორია.
დათანხმდნენ, მყისვე დაიწყეს
გაღება ჩემი სისხლისა,
არ შემარჩინეს ძარღვებში
უმეტეს სამი მისხლისა...
ღმერთმა შეარგოსთ! თუმცა-ღა
ბალღინჯო მკაცრი მწერია,
მაგრამ მე მაინც ვუმადლი,
ეს ლექსი დამაწერია!

თავუნა.



- როგორ მოგწონთ ჩემი ქალიშვილი!
- ცოტა გამზთარია.
- ოოო, მაგისი ფიქრი ნუ გაქვთ. მაგხელობას მეც სწორეთ ხმელი ვიყავი.

წინადადება.



- კი მაგრამ შენ რამდენი წლისა ხარ?
- თოთხმეტის.
- არ შეიძლება. შენ ხომ შემოდგომაზე საღდათათ წაგიყვანებენ.

გურული ენა-კვიპიტები.

გურიაში ენაკვიმეტები ბევრი იყო და ზოგი მათგანი ახლაც ცოცხალია. მოსწრებული სიტყვა-სასუბის, ნაკვეთის „ფინთიხით“ მოქმედი გურიის ენა კუთხეში იყო. ზოგი მათგანი, მაგალითად „ლ. ივანე მგელი-შარაშიძე, მღ. ნიკოლოზ ინჭკირელი, თავ. სიმოვ გუგუნავა, თომა თოხაძე, ქ-ნი ბატო ბებურიშვილი (ეს უკანასკნელი დღესაც ცოცხალია) შიარ სიტყვაობით სწამლავდენ ათვალ-წუნებულ პიროვნებას. მათი ლექსები ხელიდან ხელში გადადიოდა, ზეპირად სწავლობდენ და ჩან-ბურხე აღიღინებდენ.

ჩვენ განვიზრახეთ ზოგიერთების მოსწრებული სიტყვები შევკრიბოთ და ჩვენს მკითხველებს გაუ-თავოთ. რასაც ჩვენ ვერ მოვასწრებთ, იმედია სიტყვები მოათავებენ. სასურველია ხალხური იუმორის ნიმუში არ დაიკარგოს.

თავ. ვახტანგ გურიელი.

ამ წელში გარდაცვლილი ვახტანგ გურიელი ტკბილი მოქართულე, დარბაისელი და მოსწრებული თავადი იყო. მოგვყავს ზოგიერთი მისი ნაკვეთები.

ვახტანგი და აგიტატორი.

ნეტარ ხსენებულ ცხრაას ხუთში ვახტანგი მიტინგს დაესწრო. ფაფარ აყრილი აგიტატორი ბრდღვინავს, შურის ძიებით გატაცებული მიმართავს ხალხს;—ამხანაგებო! მოვა დრო და ეს მოქ-თა ხორა თავად-აზნაურობა, დღეს რომ ჩვენი სის-ხლით ძღება, ჩვენი ნაოფლარით იკვებება, მუხლ-მოდრეკილი შეგვევფეწება მაკამეთ პურიო. მაგრამ ჩვენ პურის მაგიერ ქვასა და ლიოდს ვაქმევთ... —ვენაცვალე, ბატონო, მე იმ დროს რაღა მი-და მეტი მანამდი თვარ მოვკდი. ჩემს კბილებს ახ-ლა მოზელილი ლობიო ვერ დაუღებკვას და თუ ქვის დაღებკვას შემადღებინებთ, მეტი რაღა მინდა! რამოდენიმე პირის გასაგონათ ჩაილაპარაკა მწარე ირონიით ვახტანგმა.

ვახტანგი და „პატარძალი“.

იმავე სულ ცხონებულ წელს ერთ სოფლებელ გასათხოვარ ქალიშვილს წისკვილში ახალგაზრდა მეწისქვილესთან შეუსწრეს. წისკვილის იდილია გამძღავდა. მეწისქვილე საჯაროთ გაასამართლეს და გადაუწყვიტეს ქალისთვის მიეცა ოცი თუმანი და მოეკენქა ათი საყენი სასოფლო გზა.

ქალის ქირისუფალმა „საუბატიერო“ 20 თუმანს თავისი წაუმატა. ქორწილი გაჩაღდა და ქალიშვილი გაათხოვა. დედოფალს მაყრათ ვახტანგიც ეახლა. შუგარხოშემული მაყრიონი სიმღერით მიდის დედოფლის ცხენი დაფრთხა, წაიფორხელა და დედოფალი კინალამ ტალახში გადაავლო. ვახტანგმა უთხრა დედოფალს:

— ბატონო, რავე ღმერთი გამიწყურება, რავე დაგანებებ ტალახში ჩავარდე, მაგრამ რომ გიშველო, ხელი უნდა შეგახო და შენი ხელის შენება 20 თუმანი ღირს; მაგას ვინ ჩივა, გინდა მცტი იყოს, მაგრამ ათი საყენი გზის ჩემი ხელით მოკენქა არ შემიძლია და რა ექნა!.

ვახტანგი და კნენი.

ვახტანგი და მისი სტუმრები ვიღაც ქალის ქებაში არიან. მოგესხენებათ ქალის ყველაზე ვარესი შეურაცყოფაა მის გასაგონათ სხვა ქალის სილამაზის შექება.

საუბარს ყური მოჰკრა ვახტანგის მეუღლემ და ბრძანა: — რა გიკვირთ იმისი სილამაზე; იმ ხნის რომ ვიყავი მე მაზე ულამაზესი ვიყავი: — კი ბატონო, შარა ვინაა მაგის მოსწრე, ვის ახსოვს შენი ახალგაზრდიობა!? იკვირებთა ვახტანგმა.

ვახტანგის ტოლუმზბაშობა.

ცხრაას ხუთში „განურჩევად წოდებისა“ ყველანი სასოფლო გზას აკეთებენ. სხვებთან ერთად ვახტანგიც, თოზით მუშაობს. ერთობის ხალხი ერთობის სადილის საქმელად დასხდნენ. მუშებს ერთი გულა ღვინო გამოუგზავნა სახლის მაინც და მაინც დიდათ არ საყვარელმა თავადმა (მ. ნ — ძე). ვახტანგი ტოლუმზაშათ აირჩიეს. — ვიცი, ბატონებო, მე იმისთვის მიჩრევე ტოლუმზაშათ, რომ ფინთის გამოგზავნილი ღვინო პირველად ვშინჯო, თვარა კაცს რომ გამოგზავნა, მაშინ მე ხომ არ ამარჩევდიო!

პერპუნდობილე.

მ მ რ ძ ღ დ

მე სანატრელათ არა მაქვს გამგედობა ზოგების... და ჩვენი მკითხველისათვის თავიეც არ დამეზოგების.

მაშ მოდი, შუა გაბჭერათ ავტორი ამა შარადის, (ცხოვრებისაგან ისედაც განაწამები შარადის!)

რომ თავი ჩემი თქვენს შრომას დაედოს საძირკველათა... ბოლო კი გადაისროლეთ სადმე შორს, მინდორ ველათა.

აწ კი ვაპყვეით მყრალ ქუჩებს ქალაქში, გინდა სოფლად, ძებნა არ გვინდა იმისა, შორით რაც მოსჩანს სობლად

შიგ ბუღობს მილიონობით ბაქტერია და ბაცილა; შმორისა სუნე აუღის, ბაყაყებითაც ავსილია.

ორი ნიშანი თავიდან ჩამოვაშორეთ სასწრაფოთ, თუ გვინდა გზა ეკლიანი ჩვენ დროიანათ გავკავოთ,

მოგნახოთ ქორონიკონი ათჯერ უფროსი ხუთისა... (დრო დაგვირდებათ ამაზე არა უმეტეს წუთისა!)

ის საოჯახო ნივთია, ძივისგან ამონაქსოვი, როცა ლოყებში შემოჰკრავ, თოვლისა თეთრის დამთოვი.

უნდა გაყვეთოთ ეგ სიტყვა უმეტეაქლებოთ, ორათა, და ნაწილს პირველს სისწრაფით თავზე დავეცეთ ქორათა.

შეორე მისთვის წავიდეს, ის ჩვენ მკითხველად გვქარია,

თუ ქართულისა ცოდნაზე არ შეირცხვინა პირია.

აწ მომინახეთ ბალახი, მშვენება გაზაფხულისა, მტრედისფერ თვალბიანი გამხარებელი გულისა, რომ იმის ტურფა ყვავილით დავაგვირგვინოთ შარადა, რომელსაც ბალკანელები ხმარობენ წარა-შარადა.

კატამ რო კუდი ასწიოს ისიც კი ითხოვს ამასა... ანდაზად მოგახსენებენ: „მადა მოჰყავსო ქამასა.

კოლო.

ბ ა ტ ო ნ ე ბ ო !*)

ეს ტაში და სიხარული თავუნას, უბრალო ლექტორს; არ დაუმსახურებია და არც შეიფერებს. თქვენი პატივისცემა საფსებით ეკუთვნის იმ მეცნიერებას, რომლის შუაშავლათაც მე ვდგევარ თქვენ წინაშე და რომლის უაღრესი სიყვარული ძვალში და რბილში ვასჯდამოია წალღერის პატივცემულ საზოგადოებას...

თქვენი ჟანგარო სიყვარული მეცნიერებისა გასაკვირველი არ არის და აი რატომ. ის ადგილი, სადაც თქვენ ამ ეამათ ცხოვრობთ, ისტორიულ ზემო ქართლის ფარგალში ქდებარეობს, ხოლო ზემო ქართლი ანუ მესხეთი, მველ დროში, იყო აკვანი და კერა ქართულ კულტურისა, ხელოვნებისა და მეცნიერებისა. დროთა უღმობელმა ვითარებამ და უკულმართმა ბედისწერამ ხანგრძლივ შეაფერხა და დაახშო ზემო ქართლი კულტურა, გარნა, აჰა, კვლავ გაიღადა მიმქალი კერა და ხელახლა აღინთო ლამპარი განაულებისა ოდესღაც განთქმულ მესხეთას საზღვრებში!

ბაკურიანის წვერვალზე აიმართა ორი ტაძარი-მეცნიერებისა და ხელოვნებისა. პირველის ქუეშობა წილად ხედა თქვენს უმორჩილეს მონას, თავუ-

ნას და ბ-ნ კალე ქავთარძეს, ხოლო მეორისა-მ-ნთ აღ. წუწუნავს და აღ. ქარქაშაძეს.

განზორებული ყოველსავე მიწიერთან, განსპეტაკებული ამ ქვეყნიურ ვნებათაგან, გარეშემოზღულდული მთებითა და კლდეებითა, ჩვენ მივემსგავსებით იმ წმინდა განდევითა, რომელთაც დაუტევს წუთის სოფლის ცოდვილი ცხოვრება და დაემკვიდრენ აუვალ ციცაბო კლდის გამოქვაბულში.

გარნა, წალღერებო! ჩვენ უთქვენოთ არარანი ვართ, თქვენა ხართ ქეშმარიტათ ღირსეულნი მემკვიდრენი განათლების მოყვარულმესხებისა და თქვენი ცხოვრება და მოღვაწეობა გვაძლევს ჩვენ იმ მასალას, რომელთაგან გამომდინარეობს ჩვენი საოცარი მეცნიერული დასკვნანი.

აქ, წალღერის წიაღში, ირკვევა და წყდება ისეთი რთული საკითხები, რომელთა გაწუქებას და გადაწყვეტას ამაოთ ცდილობდენ ღღემღე მსოფლიოს დიდებულნი მეცნიერნი.

განა წალღერის წარმტაცმა ბუნებამ არ აღაფრთოვანა და ააქდრა ქნარი ერთი ჩვენი ნიჭიერი მგონისა, რომელმაც საოცარი სიმარტივით მოსჭრა სქესობრივი საკითხი თავის მშვენიერ ლექსში „წამო ტყეში, ტყეში წამო“?

მართალია, აღმოჩნდენ ისეთი მეცნიერები, რომელნიც თავისებურათ განმარტავენ მგონის მიერ ქალწულთა ტყეში მ-პატივებას და ამტკიცებენ; თითქოს ატტორს წალღერის ტყეების ფლორისა და ფაუნის შესწავლა ჰქონოდეს აზრათ და, ასე ვთქვათ-ბოტანიკო-ზოოლოგიურ ექსკურსის შესადგენათ გა, ნერახოს კეკლუტთა ტყეში წაყვანა, მაგრამ ასეთი განმარტება ჩვენ ნაძალადევათ მიგვაჩნია: რაღა მაინცა და მაინც მხოლოდ მდღერობითი სქესის თანაშემწენი დასჭირდა მამრობითი სქესის პატივცემულ მგონასანს ადგილობრივ მეცნარეთა და ცხოველთა შესასწავლათ?

მეორე მნიშვნელოვანი საკითხი, რომელიც თქვენ, წალღერელებმა, წამოაყენეთ და გადასჭერით კიდევ, ქიმიის დარგს ეკუთვნის.

მოგვხსენებათ, რა აუტანელი მდგომარეობა შეტქმნა მთავრობის განკარგულებამ ღვინისა და საზოგადოთ სპირტიან სასმელების აკრძალვის შესახებ. ვერავითარი შიმშილობა, წყალდიდობა და სხვა სტიქიური უბედურება ვერ ჩაადგებს ისეთ განასცდელეებში ქართველ კაცს, როგორ მიაც ღვინის აკრძალვამ ჩაადგო. არსად, არც ქლაქებში,

*) მეცნიერული შინაარსის სიტყვა, წარმოთქმული ატტორის მიერ წალღერის მოაგარაკეთა წინაშე.

და არც სოფლებში ღვინო აღარ იშოვება და საბრალო ქართველი კაცი, უიმისოდაც განაწამები და ღონე მიხდილი ღვინის გაცოდვის წყურვილისაგან. აი, ამ განსაცდელის დროს, ამ ეროვნულ უნუგეშობისა და უმწურობის დროს თქვენ გამოაჩინეთ თავი, დიდებულ მესხების მემკვიდრეო: დღეს მე ღვინო მწუნი, რომ თქვენ მიგიგნათ საშველება ღვინის ქიმიურათ შოვნისა და ისიც არა უბრალო ღვინის, არამედ „კახეთის“ საზოგადოების უაღრესი მარკის ღვინისა. მართალია ეს, გენიოსურ აღმოჩენა თქვენ ჯერ ჯერობით ჩემთვის არ გავიხსელიათ, მაგრამ ჩემმა მეცნიერულმა აღიარებულმა თქვენთან კარგათ იგროვო, რომ ეს აღმოჩენა დღეს თქვენ ხელთ არის. მართლაც და: მე ვიცი, რომ მოავრობის განკარგულების თანახმად წვეთი ღვინოც არ შემოუტანიათ აქა, მაგრამ ისიც ვიცი რომ მე დღეს თქვენ ნამდვილი წითელი კახური დამალევივით. მაშ საიდან გაჩნდა ეს მშვენიერი სასმელი, თუ თქვენ ქიმიური საშვალეებით არ გიშოვნიათ იგი.


ქიმიის სამეფოში ასეთმა გამარჯვებამ თქვენ, ძველმა მესხებო, ქეშმარიტათ დასთარგუნეთ ყველა დროის მეცნიერნი და აღემატეთ ისეთ ბურჯებს მეცნიერებისა, როგორც არიან რამზაი, კურთი რწტგენი და სხვები.

შემდეგი ფასდაუღებელი ღვაწლი თქვენი პატივცემულნი წაღვერლებო, უნდა ვეძიოთ მედიცინის სფეროში, თქვენი ცდა ამ დარგში სწორედ დიდ თავგანწირავს, თავდადებას წარმოადგენს. თქვენ არა თუ თავი თქვენი შეგიწირავთ მეცნიერების წმინდა საკურთხეველზე, თვით მომავალი, თქვენი მერმისი, მსხვერპლთა მიგიტანიათ და არ დაგიზოგავთ. მე დღეს ვნახე თქვენი მკირე წლოვანი ვაჟები, რომელნიც ისეთი გააფთრებითა და გატაცებით ეწეოდნენ თამბაქოს, რომ მოხუცი ინგლისელის შურსაც კი აღძრავდნენ. ჯერ მე მეგონა (რომ, მამაკითხეთ ასეთი ექვიანობა), რომ ეს 10-11 წლის ქაბუქნი მხოლოდ თავგდებობისა და მოუღველობის გამო ეწაფებოდნენ ამ შხამიან ბალახის ბოლს, მაგრამ ეს შეუწყნარებელი ექვი წამოვიე გამიქრა და მე მიგხვდი რომ ეს თუთუნის მწვეელი ბალღები ღირსეული თანაშემწეები არიან თავიანთ მეცნიერ მშობლებსა, რომელთაც შეიღებოთ კი გაუწირავთ მეცნიერების გულისთვი და ამით მაგალითებზე უნდათ გამარჯვიონ თამბაქოს ძირიფის, ანუ ნიკოტინის გავლენა ნორჩი თანობის ფილტვებზე..

თავული.





თავული

თავული



— ტყუილად კი არ ამბობს მამა რომ ცხოვრებაში ქალების დაუხმარებლათ ვერაფერს მივალწევო.

მ ტ რ ე ზ 0 ს ნ ზ ა ნ ა ვ ვ ვ 0



1) გერმანელთა სანჯაბი. 2) ოფიცის მიწები. 3) საემუღებო ტელეფონი. 4) გერმანელთა მიერ ანთებული ხიდი.
5) გერმანელთა საზღვრები. 6) დასურული-დაფარული სანჯაბი გერმანელებისა.

არაკი.

(ალ. შ—შვილს).

რა თქმა უნდა მას, რომ გუნდა,
 გუნდა ცომის, ანუ ღომის,
 ან და სურვილების გუნდა,
 განდიდების, ბევრის ნდომის,
 მოხაზული ერთ სხეულათ,
 მოფარგლული ერთ საგანში,
 მოსათმენი არსება,
 თუ ეტევა თავის კანში.

მაგრამ როცა ამ კანიდან
 ის დაიწყებს ამოძრომას,
 თავის თავის განსაბერათ
 ის ეწევა ცდას და შრომას.
 სასაცილო ხდება მაშინ
 გაფუყული ბაყაყავით,
 და მის ქცევას აღვწერთ მაშინ
 ჩვენც კრილოვის არაკავით.

ერთხელ ერთ კაცს ნიჭიერსა,
 მაგრამ ჯორებრ უნაყოფოს,
 თავის თავის წარმოდგენით,
 ქვეყნის ბურჯს და ფილოსოფოსს.
 მუშა შეხვდა, სოფლის მუშა,
 ხელ-ფეხ დამკვლარ დაკორძილი,
 რა თქმა უნდა, „ფილოსოფოსს“
 არ მოსწონდა შრომის შვილი.

და ამაყად შემოსიძახა:
 „ვერ მოუვლი მავ ხელ-ფეხსო!
 მავ სიბინძურ-სიგლახისთვის
 თავში კი დავახლი მეხსო!
 ეს კორძები, ეს წყლულულები,
 ეს კანი ფერ გადაკრული,
 განა შეგნის მას, ვინც არის
 ოდნავ შრომის მოყვარული?“

მეც ხომ ვწრომობ! მასთან შენზე
 ასჯერ მეტსაც გავაკეთებ.
 რომ ვქნა, ჩემის ნაზარევით
 მთელს ქვეყანას ავაფეთქებ:

ციო ვარსკლავებს ჩამოვიტან,
 მთებს ვაკესთან გავასწორებ,
 და თუნდ ხენაშიც, მკაშიც შენზე
 ასჯერ მეტს ვიქ, გიმეორებ.
 მაგრამ აბა დააკვირდი
 ამ ჩემ ხელ-ფეხს, ამ ჩემ სხეულს,


სულაც არ ჰგავს იგი შენსას,
 დაკორძილს და ქანცილეულს“...

და ასე „ფილოსოფოსი“
 მუშას დიდხანს აწამებდა,
 თუმცა თითონ, შრომის ნაცვლათ,
 ფიქრში ათენ-აღამებდა.

ამიტომაც მუშამ იმას
 უპასუხა არაფერი,
 მხოლოდ პირზე ღიმილს ჰკვრიდა
 ბაყაყავით განაბერი..

1913 წ. აგ. ბახმარო.

ონისიმე.



ჯარის პაჩის ნაამბობი

(იმერული სტენა)

ერთხანს „აკოპებში“ ძაან გვაწუხებდა გერმანელების ანტილერია. რომ დაგვეყრიდა ბეირივით ტყვიას, თლათ გავგანამგვრებდა. ნამეტნავათ კი ერთი დიდი ზარბაზანი გვაწუხებდა! რომ გამეისროდა ამ ჩემ ოდის ხელა ყუმბარას.. ოცდა ათი საჯენის სიღრმეზე ამოთხრიდა მიწას. ერთხელ დამიძახა „კამანდერმა“ და მითხრა:

- პასლუშა, ჩიპურტანიძე.
- ჩტო იზბოლიტე ვაშა ბლოგაროლია.
- „შენ ძაან მარჯვე ბიჭი ხარ, ბევრჯერ ყოფილხარ განსაცდელში და გადარჩენილხარ. ახლა უნდა დამავალო და გერმანიელთა იმ უშველელ ბელ „გაუბიცას“ უნდა ჩააწყვეტო ხმაიო.
- „სლუშაუს, ვაში ბლოგაროლია—თქვა“, გამოვტრიალდი და წივედი პირდაპირ გერმანიელე ბისაკენ.

ვიარე, ვიარე... მივადექი მათ „აკოპებს“— ვუკივლე და ევილი... გვეიქტეი... ვირბინე, ვირბინე... წამომიღა წინ მათი „ლენგერები“— დავსქვი ვლე და ევილე... ზოლოს მივგიდი დიდ, გაუბიცასთან. წამოჯგვიმულა კაკიაშვილის კდესავით, დოუ

ლია პირი, ღრიალებს და ჰყრის პირიდან უშველელ-
ბელ ყუშბარებს.

მივეპარე... მივეპარე, ვსტაცე ხელი და ჩაუძა-
ბე ჩანთაში.—

გამოვიქეცი, მარა რავარი...

მევედი პოლკში, ვაჩვენე „კამანდერს“ ზარ-
ბიანი .

„სპასიზო“ —ო მითხრა.

— „რადს ტრაცა ი ვაშა ბლაგაროდია“ —თქვა,
ეუთხარი და წვევდი ჩემი კარავისკენ დასასვენებ-
ლად.

— უჰ!.. შე კაცო! გმირი ყოფილხარ, ნამ-
დილი გმირი! ბოშო და, არაფერი ჯილო მოგ-
ცეს მაგ გმ-რობიზა?

— ჯილდო?... კი.. ჰო! . არა.. ჰმ!.. შე კა-
ცო ამნაირი უბრალო საქმიზა რა ჯილდო შერგე-
ბოდა?

გუგული.

(წითელი წიგნი)

დიფამაცია.

ესთქვით ხუმარა ხარ, იხუმრებ.
ადვილი სამსახურია.

ბორკუტებს და მის ჩამდენს
ამით ებრძოლო გწყურია.

ენახოთ სიავის მთესველი
საქმე, ან აგიტაცია,

ან გარებიან ავტორას

(„უფლის“ ან „მეფის“ კაცია)

„რაინდი“ გული არა გყავს

ნაჩვევი ამის თმენასა,

აზრები მუზამ მოგიდგნა

ფორმა მიანდევ ენასა,

აღნიშნე ფაქტი სისწორით

(რომლის მომქმედი კაცია)

თანაც არგესმის რა არის

კანონი „დიფამაცია“

რედაქტორი გწერს საყვედურს,

გამომცემელი შველასა

და მომჩივანი მუქარას

(მტერმა გაუძლოს ყველასა)

მერე არ გინდათ გაიგოთ

რა არის „დიფამაცია“?!

სიმართლე გქონდეს და მოწმეთ

რომ გყავდეს მთელი ნაცია
არას გიშველის, დაგჯჯიან,
თვით მომჩივანის ნებაზე
(ალბათ ფიქრობენ ვათქვიონ
ვარი შენს წმინდა მცნებაზე)
ტყვილა ჰგონია უბნის „ძმას“
ქალაქის, მრევლის მამასა,
რომ შეირგებდენ „ქალამნის“
და ან საკურთხის ქამასა

ბუტუნა.

როგორ გადავწყვიტო კრივიზა სოლის შერთვა.

(გურუფი სცენა)

„ქვეყანა იქცეოდა და ტურა ქორწილს ეპი-
რებოდაო“, ნათქვამია, სწორედ ისეა ჩემი საქმე,
მარა ჩემს გარემოებას რომ გვიგებ, კი არ გამიმტ-
ყუნებ. აგერ თუთხმეტი წელიწადი დავაკანკალე,
რომ დავქვიოვდი. სულ ცხონებული ჩემი ფეფიკე-
ლე რომ კვტებოდა, გადმოატრიალა ჩემსკენ თვა-
ლები და მითხრა:

— ივანიკა, თუ მე გიყვარვარ იმით გვევიგებ, მე
რომ მოგვეტები მეორე ქალს არ ითხოვო.

— შენი ძვლი დამეკავოს პირში, თუ ვით-
ხოვო მეთქინ, აგი კი მუასწარი და გააფიქინა ფე-
ები.

მას მერე გვიარა 15 წელიწადი. შვამაუოფობი
სათოფეზე არ წვევიკარე, მართლა არც ისე მოხუ-
ცებული ვიყავი მაშინ, ორმოცდა ხუთი წლის ვი-
ყავე, მეტი არა. ახლა იმისანე დროი მევიდა, რომ
ქე დავრჩი თავად მარტოტკალე. უნცროსი ბაღანე
ჩემი ბესიკელე—ნოვობრანცათ წვეყვანეს. აგერ ერ-
თი წელიწადია, არაფერი ვიცი. მისი შვიაა
შვილი ავთანდილე ზაპანსოი იყო და ისიც წვეყვა-
ნეს, იწერება—„ამოზლი კამანდათ“ ვარ, სიკდილით
არაფერი მიშავსო, მარა მე იმისი იმედი არა მაქ.
თლად უფროსია და მოორე სორტის რანტიკია და
იმასაც ქე გამომშვლევქენ ხელში; ჩემმა რძლებმა
ეიკრეს ბარგი და ქე შუუყვენ თავ-თავის სახლში.

— შეიცადეთ, მე ვისთან მტევთ მეთქინ?
— არ დამელაპარაკო, მე ზაპანსოის ცოლი
ვარო, შამომიყვირეს და წვევიდენ. რაცხა პაწას ქე

უგზავნის იგი დალოცვილი ხემწიფე საყ-
დელს, თვარა, ვინ მოგცილდებოდა, ჯოხით ვერ
გადავდენიდი. ეხლა დავრჩი თლად მარტოტკალე.
აგი ასეა, მარა, აი, ქალიშვილები უფიქრებელს
გაფიქრებებს. ნუგეშინია კი დალაგდენ ოხრათ.

მაგენს დარჩათ მი-
დანი... უწინ რავე შემხედადდენ თვალთ, აბა თა-
ვის დაკვრაჲ ქირი მოგქამა, ახლა, იცოცხლე, მუ-
უვიდა, მოწონება ქრივ ივანიკას.

აგერ ვითხრა: გუშამა ყანაში მივალ ჩასკურ-
მუხეტებულნი, მოშამული. საცხვიდან ამოძვრა მა-
თიელეს გოგო სუნდლუტივ; გამიკარიქა, მეიწიჩა ჩემ-
კენ და-ივანე ზდრასტიო! გავიმარჯოს ღმერთმა
მეთქი-აგი ქე უთხარი, მარა ჰაწე კუქიქ ქე მო-
მივიდა: ვიფიქრე, რას იკრიქება აი ციკე მეთქი.
ღვეიხედე ნოვობახის კარი არ მქონდეს ღია მეთქი
მარა ქე იყო დაკეტილი. მომიბრუნდა კრდევ და
მითხრა:

ივანიკა გასუქებულხარ, ვალამაზებულხარო.

მაშინვე მიბუშქნა რაცხამ გულში, მივხვდი
რაშიც იყო საქმე.

— არა მიშავს, ქე ვარ კარვათ მეთქი. გულში
კი ვაზობ: ისე შენ გასუქდი რავარც მე
ვარ გასუქებული მეთქი. გასუქებული კი არა „შვი-
დოული“ მერგება, წყალის მეტი აფერი ჩასულა
ერთი კვირა ჩემ ბირში მეთქი, მარა მივხვდი რა-
ში იყო საქმე.

— დეიშულე აგერ, ვილაპარაკოთ, შენ საწყა-
ლო როის შეიტყობ სიცოცხლეს, სულ რომ ყანა-
ში იკლავ თავს.

მივაგდე თოხი მიღმა, მოუჯექი გვერდში და
გავაბი ქუქუნნი ზაზანდარსავით. დამიწყო ლაპარა-
კი ვაინზე: მეცოდები, ვაინმა შვილები წავართვა,
მარტოტკალე ხარ სახში, ცოლი გყავდეს მაინც
კარგიაო.

— მაინც არ იქნება მხი რომ მყავდეს, მარა
აწიკ მივესრებით მეთქი.

მე ძანს გაგვირდები რომ თხოვო ვინმეო, და-
შიწყო ბლაზური; შევყვეთ, შამოვყვეთ, გამავიწყდა
ჩემი ფეფიკელეს ფიცი და ვაინიც, უთხარი რალა-
სხოგან მიმდენი, შენზე უკეთესს ვის მოვანხავ მეთ-
ქი; გამიცინა, შამომაშტერდა თვალეში საელ-
იობო თხასავით და მითხრა:

— „მსურს“, გეთანხმებიო, ნიჩავო პრეტვი
ნი იმეტიო.

— კი მარა მამაშენმა ვარი რომ გვტყიოს
მეთქი?

— ბაბას ვინ კითხავს, ჯვარს თვარ დაგწე-
რენ, გრადანსკათ დავქორწილდეთო.

— აი, გრადანსკი, რალა მეთქინ?

— რაი, და, ვიქნებით ერთად ჯვარდაუწერე-
ლე, თვისებით, და თუ არ მოგვეწონება, პრაზაიტ-
დოსვიდანიე, შე შენდა და მე ჩემდაო.

პატარე ქე შევფიქრდი, მარა, მეჩე მომიგონ-
და, ვილასთან წავა, ნუ გეშინია, ყმაწვილებმა არ
ჩამემუშტროს, ზოგიერთ ჯვარის წერას, და ცოლ-
ქმრობას, გრადანსკი ბრაკიკ კი სჯობიან და ყო-
ლიფერი... როდისაც მინდა მოვცილდები, თუ გა-
მიქირდა... რალა ბევრი ვავარძელო, მივეცი თხე-
ლი ერთმანეთს—მისი ოჯახი დეიქა, ვინც თქვს
მოხუცებულს სიყვარული არ შეუძლიაო. ამაღლა-
ჯუნდა გული, ამეღვრა თვალეები, ამიფათქუნდა ძა-
რღვეები, სადაც ტანში ორი წვეთი სისხლი მქონდა,
ყველამ ცხვირის წვერში მიეყარა თავი, ისე გავ-
წილდი. ბოლოს, მევედი რავარც იქნა ქეუზე, გა-
დავწყვიტეთ ნამარიობეს ჯვარის წერა. მაშინ პა-
ტარე ლობიე და ჭყინტი სიმიდი ქე შემოვა, თუ
თათრებმა არ დეიწერა მანამდი ჩემს სუნდრუხტია-
ზე ჯვარი. ასე წვეიდა საქმე და ღმერთმა იცის
ბოლო რაფერი დამიჩრება.

ლუკაიეს ობოლი.



- თქვენ თამბაქოს ეწევით?
- არა. თამბაქოს წვევა კაცს ასულელებს.
- სჩანს თქვენ ახალგაზღობაში ეწეოლით.

სოფლის ფერშალი.

(შარტი 1 მოქმედებალ)
(დასასრული)

ფერშალი. და, ეტა ვაშა დოზა შარლატან-სტო, ვოტ, ტებერ, ზნაეტე, ესტ ნოვოე სრედ-სტო—შესოტშესტ, ესემ პამაგაეტ! (თვალს გადაჭყდებს დამსწრეებს და ენერგიულად გაიმეორებს) ესემ პამაგაეტ! ესემ: ი მლარიი, ი ლიხარადკე ი ესემ. ტოლკო ეტო ნადა ვპრისნუტ, ა ესლი ნე პამაგაეტ, ტაგდა ხარაშო ვა ვნუტრ, ზნაეტე, პრინიმატ... ვა ვნუტრ!

სტუდენტი. Какъ мнѣ извѣстно, „606“ во внутрь не принимаютъ...

ფერშალი. და, და! ვა ვნუტრ, პამაგაეტ.

სტუდენტი. А вы лично примѣняли.

ფერშალი. ნეტ, ზნაეტე, ნამ, ფელდშერამ, ნე პაზუალაუტ, ზნაეტე, ბუმაგა... ბუმაგი ნეტ, ზნაეტე... დოლომ! ბუმაგა—ესიო! (იგინის) ჰჰმ! და, ზნაეტე, მოყეტ ბიტ, ი ემუ პამოყეტ შესოტ-შესტ... მოყეტ ბიტ ესლი ნე ნა მალარიინომ ი ნა გემოროიდალნომ პოჩეე, ზნაიტ ნა ვენერიჩესკომ... მალადლი ჩალავეკ, ზნაეტე... დალენო ბიტ ონ ე ბატუმე ბივალ. (ყვადყოფს) ტი ბატუმე ბივალ?

სტუდენტი. (უთარგმნის) ბატუმეში თუ ყოფილ-ხარო?

ივთომყოფი. კი, ბატონო!

ფერშალი. ნუ, ზნაიტ, ეტო ნა ვენერიჩესკომ პოჩეე... მალადლი ჩალავეკ პაშალილ, ზნაეტე, ბატუმე...

სტუდენტი. А на счетъ діеты что вы скажете?

ფერშალი. (გერ მისვდა) კაკ?

სტუდენტი. На счетъ діеты...

ფერშალი. დეტეი ნებრემენო ნადა უდალიტ, ზნაეტე, ი ვაპაშეი ვაშოენო ზარაყენიე, ზნაეტე... (უგაბედათ პრეფიზორი დანასხა) ნუ, კაკ უ ვას, ვ პატეე: ტარგოვლია ესტ?

პრეფიზორი. არა უშავს რა, წამლები კი გაჰვირდა ამ ომის გამო, მეგრამ...

ფერშალი. ნუ შტოყე, ზნაეტე, ტებერ ესიო დოროგო! ი ნამ ტოყე ოჩენ მდო დაიუტ, ზნაეტე... (გადასჯედას მასმინდებს) და, ზნაეტე, ეტო ვინა ესიო პერევერნულა... ტებერ, გავარიატ, გერმანია პროზივავეტ გენერალ ლანდშურმი გდე

ონ ბილ დასიხზორ, შტო, არესტავალი ევო შტო-ლი? ტამ ტრულენო, ზნაეტე... უ ნიხ ი პუშკა, ი ვანიუჩი გაზ, ი ესიო! ატკულა ეტო ვანიუჩი გაზ ანი ვიპუსკაიუტ, ჩორტ ევო ზნაეტ! ტამ ტრულენო ა ტურკი?... ტურკი, ია პომნიუ; ვი ნე პომნიტე—მალიკ ეშჩო ბილი—ვა ვრემია პახოთოვ ტურკი... ტურკი ხარაშო ბეგუტ! (იგინის) ჰჰმ! რუკუ ზდეს მოენო ვიმიტ? (სელს ახანსებენ).

ფერშალი. ნუ შტო, კაკ გასულდარსტვენია ი დლმა? გავარიატ ტებერ ხარაშო, ესე დეპუტატი სავლასნი ი ხარაშო საბერაიუტსა.

სტუდენტი. Да, теперь ужъ не замѣчается абсентеизмъ?

ფერშალი. (გერ მისვდა) კაკ?

სტუდენტი. Абсентеизмъ!

ფერშალი. აქესენტია კოტროკაძე? ევო ნიკაგ-და ნე იზბერუტ ვ გასულდარსტვენო დლმე, ონ ვისტრიგნი სვიაშჩენიკ... ნეტ, ევო ნი ზაშტო ნე იზბერუტ! (სელს ახანს ათაგებს და ყვთმყოფასკენ მიბრუნდება).

სტუდენტი. Ну, что? какъ долго емя придется лежать? какъ вы думаете?

ფერშალი. ნე ზნაიუ, ზავისიტ ატ არგანისმა, ზნაეტე, ია სვაი სტარანი... ლეკარსტეო ი ესიო უხოლ, ზნაეტე, ა ესლი უმრიოტ; (სელს გაშლას)... მი ესე უმირამე! (გადასჯედას დამსწრეებს) ესე!

სტუდენტი. А лѣкарство давать въ так-леткахъ?

ფერშალი. ნეტ, ტაბურეტკი კაკ მოენო. ნა-და ევო მიახკო პალაეით.

სტუდენტი. Можетъ быть надо доктора позвать?

ფერშალი. ია დლმაიუ, ნეტ, ზნაეტე: კაკია რაზნიცა: დოქტორ—ფაიტონ, ა ია ლოშად! (იგინის) ჰჰმ! ონ ნა ფავტონე რაზიეყავეტ, ა ია ნ ლოშადი, ზნაეტე—ვოტ რაზნიცა! (წასვლას ამბარებს) ნუ ესეეო ხარაშავო! (კარგბისკენ მიდის და გზაში სელს ართმეეს ვედა აქ მყოფებს ისე, როგორც შემოსვლასს ჩამოართვს).

სტუდენტი. Вы зайдете еще?

ფერშალი. ნეტ, ზნაეტე, დალენო ბიშ, ბოლ-შე ნე ზაილუ (მხატვარ იგინის).

სტუდენტი. (ფუფს აქვებს).

ფერშალი. (ფუფს ართმეეს) ია ეშჩო რაზ ზა-ილუ! (გადას).

ლია წერილი

ბ-ნ ბუტუნას.

ან ღღებში რედაქციამ მიიღო ქ. ფოთიდან შემდეგი შინაარსის წერილი:

„თქვენს იუმორისტულ ჟურნალ“ ეშმაკის მთრახვის“ მე 11 ნომერში მოთავსებულია ჩემს შესახებ დიფამატია ლქესად.

ვინაიდან მე მსურს სამართალში მივსტე დასახელებული დიფამაციის ავტორი, უმორჩაღესად გახდეთ გამომგზავნით ფოთის ქალაქის პოლიციის საშუალებით ასევე დიფამაციის ტექსტის, მანერბით სსსუდი, მამის სახელი და გვარი შემაღვექელისა და აგრეთვე შემატობინით გაწეულ საჩუქის რაღდესობა; წინააღმდეგ შემთხვევაში მე იძულებული ვიქნები ზასუხის ტეპაში მივსტე თვით გამომგველი თქვენი ჟურნალისა.

პატივისცემით მღვდელი გიორგი კვერკელია.

ყოველივე ზემოთ ხსენებული მოწერილია რუსულათ, ალბათ იმიტომ, რომ განცხადებას ოფიციალური ხასიათი არ დაეკარგოს. ქვეშ კი, ხელმოწერილი ქართულად არის.

როგორც გამოირკვა „დიფამაცია“ იგივე ყოფილა პრესის წინააღმდეგ, რაც ომში „სულშემხუთავი გაზია“, ვინაიდან სიმართლეს დანაწერისას მისთვის არავითარი მნიშვნელობა არა ჰქონია.

ამიტომ რედაქცია „ეშმაკის მთრახვის“ მოგმართავს თქვენ შემდეგის წინადადებით:

1 — წარმოგიდგინათ ახლო მომავალში დაწერილებითი ცნობები აღნიშნული მოძღვრის გვერდების საზოგადო მოღვაწეობის შესახებ,

2 — განსაკუთრებულის გულდასმით, უკლებლივ ავტოწერით ყოველივე წერილიანი იმ ინციდენტისა, რომელსაც თქვენ ლექსში ეხებით,

3 — დაუყონებლივ გვაცნობით იქნება თუ არა საქირო რედაქციისაგან სავანებო მამომძიებლის გამოგზავნა აღნიშნული საკითხის გამოსარკვევით.

იმედი გვაქვს ყოველივე ეს აღსრულებული იქნება უახლოეს დროში.

„ეშმაკის მთრახვის“ რედაქცია.

მღვდელს გიორგი კვერკელიას!


პატიოსანო მამაო!

თქვენი საყურადღებო განცხადების შესახებ პატივი გვაქვს მოგახსენოთ შემდეგი.

სარედაქციო პრაქტიკაში არ არის მიღებული ავტორის შეუკითხავთ გადაეცეს მომზადების, თუნდაც ფოთელი პოლიციის საშუალებით, სარედაქციო ხელნაწერები და მათა ავტორები.

ამიტომ უმორჩილესად გთხოვთ ამ საქმეში მაინც იქონიოთ მოთმინება და უკეთუ ავტორი „დიფამაციისა“ არ იკისრებს თქვენი სამჯავროს წინაშე წარმოდგომას, მსხვერპლად მიიღოთ ჩვენი რედაქტორ-გამომცემელი.

„ეშმაკის მთრახვის“ რედაქცია.



წერილი რედაქციის მიმართ

ბ-ნო. რედაქტორო.

თქვენ პატივცემულ იუმორისტულ ჟურნალ „ეშმაკის მთრახვის“ № 4-ში მოთავსებულია გამოცანა ღონჩხუთლებისათვის პურტევის ფსევდონიმით. ზოგიერთმა ჩემმა პირად მტრებმა ხმა გაავრცელეს რომ ეს ჩემზეა დაწერილი. ამის გამო გთხოვთ უმორჩილესათ მომკეთ საშუალება მივმართო ავტორს გამოაცხადოს რომ გამოცანა მე არ შემეხება ანდა ჩემზე დაწერია. იმ შემთხვევაში ვიწვევ სამედიატორო სასამართლოში და მოვითხოვ დამტკიცებას იმ საშინელ ბრალდებისა რომელიც შიგ არის ჩამოთვლილი წინააღმდეგ შემთხვევაში ვიტოვებ უფლებას მას მე უწოდო საზიზღარი ცოლის მწამებელი პატივის ცემით არონ ტულუში.

გოლოვინის პროსპექტისა და სამხედრო ქუჩის კუთხეში

გაიხსნა ახალი აფთიაქი ვბრლამ ახვლედიანისა.

ფუფუნა

ჩვენი გემო

პ ვ ა ს ი

„ჩვენი გემო“-ს ქარხანა გადავიდა ჩერკეზოვის ქუჩაზე № 38.

კვასი მზადდება ზირკელ ხარისხოვან მასალისაგან და ნაღუდა წყლით. სისუფთავე ქარხანაში საუფ-
სოფოთ დაცულია. ამზადებს დიდი ხნის დაკვირვებული და ზრეკტივის მქონე მხევე. გემო და
სუნი მეტათ სსსიამოვნო აქვს.

ვისაც სურს დალიოს ნამდვილი პურის კვასი. მოითხოვოს ყოველგან „ჩვენი გემო“ და
არ აღერიონ ის სხვა ფირმებში. კვასი „ჩვენი გემო“ ქიმიურ ლაბორატორიისაგან ვასინ-
ჯული და მოწონებულია.

გთხოვთ პირდაპირ დაწერდეთ.

გთხოვთ პირდაპირ დაწერდეთ.

1 მაისიდან ქალაქ თფილისში გაიხსნა ყურნალ-გაზეთების კანტორა

„განათლება“

ჯერ-ჯერობით აგენტებს გაეგზავნება შემდეგი გაზეთები: „თანამედროვე აზრი“, „ემმა-
კის მთარახი“, „თემი“, „თეატრი და ცხოვრება“, ქუთათური „ახალი კვალი“, „კავკასკოე
სლოვა“, „თბილისის ლისტოკი“, „ორიზონი“, „მშაკი“ და „ხათაბალა“.

აგენტები ვალდებულია მთელი თვით დაკვეთილი გაზეთების ფასი წინდა-წინ გადაიხა-
დონ. წინააღმდეგ შექთხვევაში გაზეთები არ გაეგზავნებათ.

ფული და წერილები უნდა გამოიგზავნოს შემდეგი ადრესით: Тифлисъ, почт.-яш. № 96,
Сильвестру Р. Таваркиладзе.

კანტორის ადრესი: ოლგინსკაია, № 6.

იყიდება გასული წლების ყურნალები:

1) „ემმაკის მთარახი“ 1908 წ.
34 ნომერი 2 მ. 50 კ.

2) „ემმ. მთარახი“ - 1909 წ.
34 ნომერი 2 მ. 50 კ.

ორივე წიგნი ერთად მშენიერი
ყლით ელირება—6 მან.

3) „მთარახი“ 1910 წლის 33 ნო-
მერი—2 მ. 50 კ.

4) „ალმანახები“ 1909 წლის 10
ნომერი—50 კ.

პროვინციაში მსურველთა გაეგზავნე-
ბა ჩვენის ხარჯით ვინც წინ და წინ
გამოგზავნის ფულს ან ფასდაღებით
გაიწერს.

ადრესი: Тифлисъ, Типографія
Шрома, Теофили Болквадзе.

ქალაქ თფილისში

გამოდის ყოველ-კვირეული იუმორისტული გამოცემა

ეშმაკის მათრასი

ჟურნალის სამხატვრო და სალიტერატურო მხარეს განაგებენ **ეშმაკი და თაგუნა**,
ხოლო გამოცემის საქმეს ა. გ. ბუკია.

ჟურნალის ფასი 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ 1 თვით 50 კ.

„ეშმაკის მათრასში“ დაიბეჭდება მსალოდ იუმორისტული შინაარსის წერილები, ლექსები, მოთხრობები, ზღაპრები, არაკები, ზარბები, გამოკანები, ნაკვეთები და სხვა.

◆ **ჟურნალში დაიბეჭდება საერთაშორისო ომის ილიუსტრაციები.**

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Олгинская 6,
Почтов. ящ. № 96.

(ეშმაკის მათრახისათვის)



*) ეს ადგილი კონკრეტულ მარკისათვის არის დანიშნული და გულმგობიყვებს მოვავთნებთ, რომ
◆ უმარკო წერილებს რედაქცია არ დაისწის ◆